

Poesia di Mario Martino

Data: 3 settembre 2011 | Autore: Mario Sei



CATANZARISEDDHA(poesia in dialetto catanzarese di Mario Martino)

Catanzariseddha mia comu si' bella
ccu' 'st'occhi de cerbiatta chjìni 'e lucia!
'Stu mussu corallinu è fhòcu dùcia:
'nu sùla a mia mi para, cchjiù 'e 'na stella![MORE]

Fussèra 'nu puéta o 'nu pittura,
'nu quattru ccu 'sta dèdica facèra:
"Catanzariseddha tu, fimmina vera...
occhj pittati a gioja ccu' dolura...

Si' zzùccaru e si' 'u sala ppo' sapura...
si' cippu 'e fhocu nta lu friddu vernu,
si' amuri, amuri amuri... amuri eternu,
si' nn'addurusu 'nguentu ppo' dolura...

Catanzariseddha tu si' comu 'a fiamma
cchi scàrfa l'àrma e u cora nt'a vernata...
si' comu l'acqua frisca nta l'estata...
catanzariseddha tu, mugghjera e mamma!

Si' comu 'a terra mia, si' dùcia e amara,

si' janca e russa comu 'nu granatu...
catanzariseddha 'e tia su' 'nnamuratu...
e de 'sta vita mia si' cosa cara!..."

Mario Martino .

Articolo scaricato da www.infooggi.it
<https://www.infooggi.it/articolo/poesia-di-mario-martino/10852>

